

環碧齋小言題辭

樂之至也。可以奏房中。可以奏清廟。一絲片竹。天地之和備焉。蓋籟發而氣無。勿宣也。况在人聲。何有求之不應。乃言乎其見小也。不敢以言爲天下先也。蟻鳴蚓奏。亦足

歌咏太平。安見小之非至大乎。但
慮其吐爲腐鼠。擲彼土龍。髯枯心
嘔。總成舌崇。卽大言且視爲醉者
之狂。病者之譫。夢者之囁矣。况小
乎。

閔貞爾賢識



快書卷十六

練江閔景賢士行箴

西湖何偉然仙隴訂

環碧齋小言

祝子刪本

人有爲麟爲鳳者。有爲虎爲狼爲蛇爲蝎者。有
爲燕爲雀爲蟻爲蠓者。天下不可無此人。則爲麟
爲鳳。天下不可有此人。則爲虎爲狼爲蛇爲蝎。
有之不足爲重。無之不足爲輕。則爲燕爲雀爲

蟻。蠓。至靈者人。卒與燕雀蟻蠓比類。命之曰枉生。

如何云及其至也。察乎天地。曰無聲無臭。不知不能。是秘密藏。察乎天地。是大光明藏。此卽放之彌六合。卷之則退藏於密之義。蓋秘密藏。卽大光明藏。

禪那才下一語。便恐一語爲塵。連忙下一語。掃之。又恐掃塵一語復爲塵。連忙又下一語。掃掃

塵語。至於宗門。尤爲陡絕。弩之機。劍之鋒。無容擬議。六經原自無塵。而自爲掃塵語。亦不少。旣已曰識曰知。又曰不識不知。旣已曰再思。曰九思。曰百慮。曰千慮。又曰何思何慮。至吾有知乎哉。無知也。應口卽掃。何其迅捷。粵自訓詁之學。與豈獨不能作掃塵語。而塵之上復加塵焉。引葫蘆之纏。鑿混沌之竅。名爲報德。實爲悖德。起人種種見解。而聖人當下指趣。翻爲晦蝕。快句

以鈍空句以填。於是高明者爲之攢眉扼腕。不難叛孔氏而皈依佛氏矣。非佛氏之教。果有加以孔氏。則孔氏之徒之說。不厭其心。陰爲驅之地耳。

瘖者眉睫能言。旨者通身是眼。其神之所爲乎。身處事外。無言不可。安在無言不酬。孟子曰。人之易其言也。無責耳矣。責在躬。談何容易。或問所存者神。曰。情識不生。如空如水。問所過

者。化曰。雁度長空。影落寒水。雁無留跡。水無留影。

聖學有神有骨。鄉愿得其皮耳。衆人以皮相。故愿之。聖人以神骨相。故賊之。又曰。狂狷有瑕之玉。鄉愿無瑕之石。

古之君子。出則爲天下澤。入則爲天下風。風之被人也。微而遠。夫卷其道。足以爲風。何必榮通。何必醜窮。

不善讀書者。讀萬卷書。無一字在胸中。善讀書者。讀萬卷書。亦無一字在胸中。

當孟子時。如許行。如白圭。如陳仲子。如楊朱。墨翟。皆有意乎聖人之學者也。而不悟幾希從名理上著腳。故孟子夷許行之道。貉白圭之法。蚓陳仲子之廉。禽獸。楊朱。墨翟之仁義。故曰。人之所以異于禽獸也者。幾希。

凡技藝無雅無俗。無不益。無不損。得之者。鈞令

人靜。射令人正。奕令人專。毬令人動而已。病夫之者。琴心。且以挑。潘詩書之道。且以文。奸言。

今有麗媛於此。耽色之徒。見以爲世上琛球。養生之家。見以爲人中虺虎。二見大不平等。若以平等眼觀。元來只是一箇人。固道之所不載。亦道之所不棄。說好不得。說不好不得。

大舜茹草終身。是在世了法。尼父朝聞夕可。是出世了法。出世了了道也。了道所以了心。在世

了。了。事。也。了。事。亦。所。以。了。心。世。人。托。大。而。取。盈。
往。往。妄。意。將。來。不。可。必。得。者。張。大。目。前。去。寒。酸。
之。風。肆。廣。侈。之。欲。不。肯。如。此。便。罷。何。論。異。日。酬。
不。酬。只。當。日。望。心。政。且。不。少。矣。

世。界。原。自。缺。陷。人。心。原。自。圓。滿。吾。人。當。以。圓。滿。
之。人。心。圓。滿。乎。缺。陷。之。世。界。不。當。以。缺。陷。之。世。
界。缺。陷。乎。圓。滿。之。人。心。
衆。善。之。門。在。虛。百。福。之。基。在。慈。萬。事。之。幹。在。決。

能。言。能。不。言。之。謂。默。默。有。餘。辯。能。進。能。不。進。之。
謂。止。止。有。餘。榮。能。勝。能。不。勝。之。謂。讓。讓。有。餘。勇。
人。之。才。力。至。不。可。強。如。金。分。兩。百。鎰。必。不。能。引。
而。爲。千。千。鎰。必。不。能。引。而。爲。萬。所。可。能。者。隨。其。
分。兩。去。雜。還。精。求。至。乎。足。色。而。止。

大。道。等。虛。空。虛。空。不。可。以。手。搏。不。可。以。器。量。定。
命。如。山。岳。山。岳。不。可。以。氣。撼。不。可。以。力。移。而。世。
人。搢。搢。然。爭。以。手。搏。之。器。量。之。氣。撼。之。力。移。之。

也。命之曰愚。

母多受小人私恩。受不可酬。母一犯士。君子公怒。犯不可救。

貞女許身於夫。蓋臣許身於君。大人許身於天。地。

孫克成曰。夫子一生學古。其博文約禮。直得之伏羲氏。易曰。古者伏羲氏之王天下也。仰則觀象于天。俯則觀法于地。觀鳥獸之文。與地之

以通神明之德。以類萬物之情。

造萬民不如造一吏。夫士也。一行爲吏。立萬民之上。意滿氣高。誰復受造。造士乃所以造吏也。造吏以造民。其功著而難。造士以造吏。其功微而易。

一貫創言于夫子。非數非畫。非心非理。替地孤起了。莫能緣。曾子直下。應之曰唯。門人相顧。錯愕。不知所云。自後儒鑿破混沌耳。學者下之存。

畫數見上之存心理見。既不能唯曾子之唯。又不能疑門人之疑。不唯不疑。症在不治。翻不如外教家陡絕宗門。爲機爲鋒。不容擬議。能起死而回之生也。蓋一貫真夫子宗下語。教不足言。而竟衍之爲教。令人口耳承接。莫發千古之疑端。惜夫。

夫世海也。身舟也。志舵也。世之溺人久矣。吾之志所以度吾之身。不與風波滅沒者。操舟者

舵不使去手。故士莫要於持志。

人須張上下千年眼。方不誤百年身。

出迷入悟。關在一憤。小憤小徹。大憤大徹。不憤不徹。惟孔子而後憤。憤而後爲孔子。今人飭一行作一解。便耿耿在胸中。謬以爲如是如是。其何能憤。

千生萬劫。只在此生。一日百年。只在此日。此日一信。歷萬劫而不磨。此日一疑。度百年而如夢。

人身難得。自性難明。珍重當下機緣。莫教當面錯過。

人游于道。鳥游于空。魚游于水。上下四方。呼吸動靜。混成一片。無所之而不爲。是子淵得之。而曰不能罷。非故不罷。直是無可罷處。子思得之。而曰不可離。非故不離。直是無可離時。或者未窺此體。以我合彼。終未有之。何論其輟。卽當其作。卜度安排。去道千里。而欲辭是。涉至人之津。

漚。此與種石而望其勾萌。何異。

鏽。鏽人無如忿與慾者。慾動水滲。怒盛火炎。慾之窒之。心火下降。腎水上滋。此亦吾儒坎離交媾。功法何必僞家。

儒者之談曰。論是非。不論利害。夫使弱植之夫。不能自持也。必斯言矣。是非利害。自有真。真是而真利應。真非而真害應。以此提衡古今。如鼓答桴。未有爽者。

禮之屬三千。刑之屬三千。出一禮。入一刑。間不容髮。是故衛身莫善於禮。

能自見者明。能自聞者聰。能自處者才。能自道者辯。

每檢父子兄弟夫婦朋友。有多少不慊心處。茫然自失。不容不孜孜汲汲。求畢其分願。不知痛而摩。不知癢而搔。欲不歇手不得。

持家者持二字符。曰勤曰儉。夫孳孳乎種德布

惠而後爲勤。淡淡乎聲利百好而後爲儉。今之所謂勤儉。貪耳吝耳。

人官各自爲品。官品品之一朝。定命自天。士品品之百代。造命自我。士君子窺天先之天。閱人中之人。窮物外之物。思身後之身。何短何長。何在何亡。定不以彼博此。

善信美大聖神有階級。無階級。人信聖而不可知之。謂神不信。百姓日用而不知之神。易曰利

用出入民咸用之。謂之神。夫善一神也。誰則信之。能信善之爲神。而後爲有諸已。而後爲信身。其金乎。世其治乎。或得或喪。或順或逆。或稱或譏。或憾或懌。無非煅煉我者。能受煅煉。身與世交益。不能受煅煉。身與世交損。

生老病歿。如春夏秋冬。遞至乎前。誰能違之。有物焉。生而不生。老而不老。病而不病。歿而不歿。千萬人無一人信得及。竟逐逐焉。與化俱徂。悲夫。

經學支離。起於以傳解經。不以經解經。蓋有經之經。有經之傳。有傳之傳。有傳之經。夫子言性不言。所以爲雋。子思傳之曰。天命之謂性。子思言天命不言。所以爲天。命。孟子傳之曰。莫之爲而爲者。天莫之致而致者。命。質以陰陽五行之說。更覺直截簡明。若以我傳經。經亦我傳。經之傳。傳之傳。又不足言已。

或問內持一念外修九容。可以爲學乎。曰唯唯否否。念不可持也。容可修而不可修也。仁守莊蒞知實先之。弗然者。妄持一念。賈胡襲燕石之珍。徒飭九容。俳優作王公之狀。爲僞而已矣。豪傑之士。依憑才力。可以安天下而不能自安其心。安心之法。至易至難。噫。祇緣不信。至易所以至難。

火性自焚。水性自溺。石性自堅。雲性自逸。空性

自空。妙應無窮。

白日易下。黃金難成。琉璃可玩而不可擊。如意珠可想而不可得。吾且自足以當富。不役役以當貴。無辱以當榮。無災以當福。閒無事以當德。只如此。已自過分。要如何方是稱心。祈年莫若愛日。尺璧千金。未足爲喻。能愛日可使一日爲兩日。百年爲千載。

凡技藝至妙處。入乎法。又出乎法。師其成心。不

入乎法者鑿拘拘焉入乎法。不出乎法者跡而不神。

人必身與心相得。而後身與世亦相得。不然身與心爲讐。將舉身與世亦爲讐。得則俱得。讐則俱讐。讐苦之趣也。得樂之符也。

形不礙神。雅不離俗。金從鑛出。聖以凡修。覆蟻生白於糞。九蓮華托根於汙泥。求真真亦爲幻。真不可求。去幻無以見真。幻不可去。

世知銖銖兩兩。身爲撲滿。入而不出。以爲遺之。子孫不知。以天地爲家常。廉取仁施。施於不報。乃所以遺吾子孫也。以前之所遺。遺之鬼神焉。發其藏而去也。若流以後之所遺。遺之鬼神焉。司其契而取之。若寄。

鼠嚙枯藤。命根牢不牢。蠅觸曉窓。見地徹不徹。虛擲半生於逝波。起坐中夜之明月。

古之真人。爲海馬石燕。不爲參蓍。自處在枯不

珠玉齋小言 卷十六
材之間而處天下人在知不知之間

學不二境。乃見學力。肅之乎賓友之會。忽之乎眾庶之臨。得之乎山水之間。失之乎衽席之上。吾甚耻之。

太上御天。其次不違天。最下與天爭衡。爭之不勝。以至於怨。

大人無多伎倆。只不失其赤子之心。若曰擴而充之。使安蛇足矣。然則本體外更無工夫乎。曰。

大人原無本體。赤子自有工夫。

夫子以仁爲的。羣弟子射之。如射覆。夫子更不道破。第以行持之法授之。行持不來。彼當自究。至其自註仁者人也。一語。渾淪不鑿。函蓋無盡。幾欲更詮一語。如蚊子咬鐵牛。直是無容口處。有讀書者。終夜展書。終日拋書。而枕書。時出山。硯水涯。不極其致。不返。或問之曰。展書是讀書。拋書枕書。亦是讀書。吾蓋於寤之中。得幾分寐。

之中得幾分。書之中得幾分。書之外山水之間得幾分。又曰。世人解讀有字書。不解讀無字書。吾歸語吾兒。抱一得一。存之以爲讀書法。

百年交游。半爲黃壤。青草三界遊戲。忽成萬古千秋。如何不悲。如何不樂。

千古作聖不成。只疑畏二字。而畏又生于疑。然必能疑而後能無疑。疑信之因也。信聖之因也。信得及者。心眼平等。自堯舜當前。亦只這些子。

了無恐怖。吾斯之未能信。夫子之說之也。以此雲白山青。川行石立。花迎鳥笑。谷答樵謳。萬境自閑。人心自鬧。

恒言學問學問。蓋有學必有問。問由學生也。每見友朋相聚。不切身。從自家神理不通。功法做不去。處討求。而低眉緘口。丫手齊足。壇場冷落。于是或拈話柄。或掉書囊。設爲問答。其問也不必關於學。其答也不必關於問。浪問浪答。徒長

現存齊小言 卷一六
一番游談惡習。何益底裏事。

太素者。人之本來。入利津焉而染。入名場焉而染。入藝苑焉而染。失其質矣。絲五入面。五化。墨子悲之。無入而不自得。古之素心人也夫。

凡骨肉交惡。起于見相相觸。舜見父而不見父之頑。是故有罪可負。有慝可引。終日夔夔。求其不我愛之故。而卒全其爲父子。舜見弟而不見弟之傲。是故無怒可燕。無怨可宿。喜鬱陶之思。

而不逆其僞。而卒全其爲兄弟。

毀人於我不美。誑人於我不信。慢人於我不尊。戕人於我不益。

權勢之門。其利害。入幕之客不能見。而千里之外見之。仁義之門。其是非。握衣之士不能定。而百世之下定之。

人須自辯根莖。雨露有時。不得橫生圖度。一雨露也。芝蘭得之以發其馨香。荆棘得之以長其

芒刺。

勿以元氣佐客氣。勿以人言移本心。勿以迎合爲精神。勿以距鉤爲風力。勿取庸衆人悅。博士君子之笑。勿以一時之利。貽千百世無窮之害。作用人異。會須觀其所主。所主主於道義。卽蹈迹策士之機權。亦爲妙用。所主主於權利。卽依心聖人之名教。祇爲借資。

文章不在字句爭奇。要之成章。朴者如匹練。華者如匹錦。後世文心不具。博覽精擷。奇字雋句。無不有之。餽釘成文。爛然炫人。了無自家一段。炯炯不可磨滅之見。如百衲錦襪。披之小兒。廻環自喜。而以爲大人服。且醜而褻之。

文生乎情。情至而文亦至焉。情盡而文亦盡焉。詩以咏情也。而束於律。其情常不調適。書以達情也。而束於四六。其情常不流洽。故詩以律工。亦以律衰。書以四六工。亦以四六衰。工不如拙。

整不如散。情見乎詞。可使千載之下。讀之悲酸。如見其人。如見其心。何必藻績以爲事。

薛河東。胡餘干。考亭之孝子。陳新會。考亭之賓客。王新建。考亭之忠臣。

孟氏之後。儒者守其糟粕而學之。脈反寄于二氏。至周程而始復。故二氏之教。盛於漢。大盛於唐。而少衰於宋。

古之立言者。理不必宇宙。有語不必聖哲。道要

以據其所自見。文不飾質。瑜不掩瑕。申韓不諱刑名。荀子不道性善。太史公是非不必準於聖人。代而下言者。不自是非。隨聖人之所。是是之。隨聖人之所。非非之。無敢謬焉。故秦漢以前之書。多示人以駁。駁爲真。駁。秦漢以後之書。多示人以醇。醇爲僞。醇。

無忿不談學。人謗學。談學人。輒自謗之。行不信於鄉里。道不行於妻子。日向人。嘵嘵。祇益墜人。

不信之意。其爲謗莫大焉。

學之淺深。卜於藏玉韞於石。龍蟄於淵。士埋於民。聖夷於愚。彼挾有片長。翹然於天下人之知之神之所不載也。

韓稚圭平生不輕以膽許人。學亦有膽。彼丈夫我丈夫。蓋無畏者哉。不明目不能張膽。不小心不能大膽。故膽在所養而識先焉。

養德如養丹。先辨丹頭。徐酌火候。夫子曰。溫子面

子曰。勿忘勿助。火燥則助。火冷則忘。不燥不冷。則溫。此非可以意調停之也。能辨丹頭者。當自得之。

人知夫子身爲大冶。博鑄三千。精鑄七十。不知夫子蓋合三千七十爲大冶。以自鑄。

古者造士之官。列之六卿。今世則卑散之。廣文耳。道重權輕。曾不得與邑長吏並。士風不振。士習難變。職此也夫。

環碧齋小言 卷一
古人言句還之古人。今人言句還之今人。自家如何道。道得出是名真信。真信者無乎不信。一信忽斷百疑。道不出方發真疑。真疑者無乎不疑。百疑當得一信。

春風春雨不能發無根之萌。學欲尋向上去。全在願力勝。願力學之根也。

出利入名。出名入理。出理還常。常者常也。日用而飲食也。事不可去。去心心不可去。去知知不

可去。去識。

中庸之功。戒爲第一義。戒有自性戒。孔四母。顏四勿。孟三勿。自性戒也。自性戒非見性不能。其消息與作而致其戒者。霄壤懸絕。

人不極思。不知吾生之可哀。人不極思。不知吾生之可樂。知哀吾生者。可與破塵情矣。知樂吾生者。可與破聖諦矣。

聖人立法。準於中人。綽有餘地。後人變法。準於

現存齋小言 卷一
高士顧安得盡高士與之守法不渝哉。

大潔之行可以治身。不可以治民。可以治民。不可以治軍。

貧不貌富。可以長貧。牽裾肘見。納履踵見。不爲友愧。殺雞飼母。摘蔬飼客。不爲客愧。夫惟不愧。乃見古人風格之妙。近世士憑陵意氣。塗飾耳目。貧于家。不貧于身。貧于親。不貧于賓。一不露寒酸本色。翹然自謂拔俗。而其未難持。恐不能

不別開徑竇。

處老有道乎。曰有。天者天之。人者人之。子孫者子孫之。耳目肺腸。卷爲我有。我復無有。對境境空。忘年年化。難老之錫。何必在天。

嘗見學人終日安爐立竈。不有輟之。何所事作。夢覺一如閒忙。一如雅俗。一如荔蕘乎神聖。鷄犬乎鳶魚。不如是者。不名通德。



珍
善
本
不
得
出
館
外
借
閱
一
切
館
藏
均
屬
珍
善
本
不
得
出
館
外
借
閱